



武  
612  
13.



門武9  
編 612  
卷 13



重訂唐王燾先生外臺秘要方第十三卷目錄

骨蒸傳屍鬼症  
鬼魁二十六門

虛勞骨蒸方七首

骨蒸方一十七首

灸骨蒸法圖四首

疝氣骨蒸方三首

虛損慘頓作骨蒸方四首

瘦病方五首

傳屍方四首

伏連方五首

飛尸方三首

小臺秘要

目錄

經人余号



遁尸方三首

五尸方一十一首

尸疰方四首

五疰方四首

江南九十九疰方二首

江南三十六疰方三首

疰病相染易方三首

鬼疰方二首

鬼疰心腹痛方一首

鬼疰羸瘦方二首

鬼氣方三首

鬼魅精魅方八首

鬼神交通方四首

白虎方五首

無辜方二首

除骨熱方四首

盜汗方七首

唐王燾先生外臺秘要方卷十三

宋朝散大夫守光祿卿直秘閣判登聞鼓院上護軍臣林億等 上進

新安後學程衍道敬通父訂梓

虛勞骨蒸方七首

起 檢  
病源夫蒸病有五一曰骨蒸其根在腎旦起體涼日晚即  
熱煩躁寢不能安食都無味小便赤黃忽忽煩亂細喘無  
力腰疼兩足逆冷手心常熱蒸盛傷內即變為疢食人五  
藏二曰脉蒸其根在心日增煩悶擲手出足翕翕思水口  
唾白沫臥即浪言或驚恐不定脉數蒸盛之時或變為疢

甚起

臍下悶或暴痢不止三日皮蒸其根在肺必大喘鼻乾口中無水舌上白小便赤如血蒸盛之時胃滿或自稱得症熱兩脅下脹大欬徹背連胛疼眠寐不安或蒸毒傷藏口內唾血四日肉蒸其根在脾體熱如火煩躁無汗心腹鼓脹食即欲嘔小便如血大便秘澀蒸盛之時或體腫目赤寢臥不安五日內蒸亦名血蒸所以名內蒸者必外寒而內熱把手附骨而熱是其根在五藏六腑其人必因患後得之骨肉自消飲食無味或皮燥而無光蒸盛之時四肢漸細足趺腫起又有二十三蒸一胞蒸小便黃赤二玉房蒸男子則遺瀝漏精女則月候不調三腦蒸頭眩悶熱四

筋脣眼焦

髓蒸髓沸熱五骨蒸齒黑六筋蒸甲焦七血蒸髮焦八脉蒸脉不調或急或緩九肝蒸眼黑十心蒸舌乾十一脾蒸唇焦十二肺蒸鼻乾十三腎蒸兩耳焦十四膀胱蒸右耳偏焦十五膽蒸眼白失色十六胃蒸舌下痛十七小腸蒸下唇焦十八大腸蒸鼻右孔乾痛十九三焦蒸亦雜病乍熱乍寒二十肉蒸二十一膚蒸二十二皮蒸二十三氣蒸遍身氣熱凡諸蒸患多因熱病患愈後食牛羊肉及肥膩或酒或房觸犯而成此疾久蒸不除多變成疔必須先防下部不得輕妄療之出第四卷中

崔氏療五蒸夫蒸者是附骨熱毒之氣皆是死之端漸庸

起

醫及田野之夫不識熱蒸體形狀妄注神祟以相疑惑蒸盛摠變為疔而致死者不可勝記其蒸有五請略陳之一曰骨蒸早起體涼日晚便熱煩躁不安食都無味小便赤黃忽忽煩亂細喘無力或時腰痛兩足逆冷手心常熱蒸盛傷內乃變成疔食人五藏若大便澀方

可服芒消一服一方寸匕日再服亦可擣苦參蜜和為丸如梧子大一服七丸日再以飲送之無忌以體輕涼為度

二曰脉蒸其根在心日增煩悶擲手出足翁翁思水口唾白沫卧便浪語或驚恐不安其脉又數此蒸若盛亦變為

疔傍臍時悶或痢不止方

苦參

青箱

各二兩

艾葉

甘草

各一兩

痢 菘

右四味切以水四升煮取一升半分為三分用羊胞盛之以葦灌下部中若不利取芒消一方寸匕和冷水合和服之日再服忌海藻松菜

胃 胃

三日皮蒸其根在肺必大喘鼻乾口中無水舌上白小便赤如血蒸盛之時胃中滿悶或自稱得疔手掩兩脅不得大欬徹背連胛疼眠寐不安此蒸毒傷五藏口便唾血方急與芒消一兩以水一升半和分為三服三日服止訖以冷水浸手以熨脅間及腋下并胃上及痛處亦

可舉臂指灸側腋下第三肋間腋下空中七壯立止  
四曰肉蒸其根在脾體熱如火煩躁無汗心腹鼓脹食飲  
無味食訖便嘔小便如血大便秘澀蒸盛之時或體腫目  
赤不得安寐方

大黃一兩半切如小豆大以水一升浸一宿明旦絞  
取汁一服五合許微利即止若熱不定亦可服芒消  
一方寸匕日三以體涼為度

五日內蒸所以言內蒸者必外寒內熱把手附骨而熱也  
其根在五藏六腑之中其人必因患後得之骨肉自消食  
飲無味或皮燥而無光蒸盛之時四枝漸細足跌腫起方

石膏十兩研如乳粉法水和服方寸匕日再以體涼  
為度出第七卷中

古今錄驗解五蒸湯方

甘草 一兩炙 茯苓 三兩 人參 二兩 竹葉 一把

葛根 乾地黄 各三兩 知母 黃芩 各二兩

石膏 五兩碎 梗米 一合

右十味切以水九升煮取二升半分為三服亦可以水  
三升煮小麥一升乃煮藥忌海藻菘菜蕪荑火醋范注同

又五蒸丸方

方無甘草茯苓人參竹葉止六味

烏梅 鷄骨(一本是鷄骨) 紫苑 芍藥

大黃 黃芩 細辛 各五分 知母 四分

礬石鍊 栝樓 各一分 桂心 二分

右十一味末之蜜和丸如梧子飲服十九日二忌生葱生菜並出第五卷中一方無桂心

骨蒸方一十七首

廣濟療骨蒸肺氣每至日晚即惡寒壯熱頰色微赤不能下食日漸羸瘦方

生地黄三兩細切 葱白細切 香豉 甘草炙各三兩

童子小便二升

利

右五味切以地黄等於小便中浸一宿平晨煎兩沸絞去滓澄取一升二合分溫二服服別相去如人行七八里服一劑差止不服忌海藻菘菜蕪荑熱麩猪肉油膩黏食等出第四卷中

崔氏療骨蒸以骨汁淋方

取枯朽骨碎五大升一切骨皆堪用唯洗刷刮不得遺微有土氣但似有土氣即不差病 柳枝三大斗 棘針三大斗 桃枝三大斗

右四味以清水五大石煮之減半乃濾出汁別取清漿兩大石投釜中和骨重煮三兩沸然後摠濾出淨拭釜取此前後湯相和更報煖隨次取用使患者解髮令散

接枯



更 痢 然

以此湯潑頂淋之其湯令熱但不破肉為準一舉淋湯遣盡若覺心悶即喫三兩口冷飯如不能坐即臥淋淋湯之時自當大汗汗出少處仍偏淋之務取汗勻以祛惡氣淋訖可食一大碗熱葱豉粥仍暖覆取汗汗解以粉摩身連手足使周遍患重者不過再淋欲重淋時量氣力淋此湯若飲之尤佳出第七卷中 別提大書 文仲療骨蒸方  
 生地黄一大升搗絞取汁三度搗絞始汁盡分再服若利即減之以身輕涼為度忌蕪荑  
 又療骨蒸苦熱瘦羸面目痿黃嘔逆上氣煩悶短氣喘急日晚便劇不能飲食若服生地黄汁即便服此方

龍膽

黃連

栝樓

苦參

青葙

芍藥

梔子人

芒消

大黃

黃芩

右十味搗篩為散飲服一錢匕加至方寸匕日再大須慎生食若不禁生食不須服之忌猪肉冷水千金經心錄並作丸服之藥味同

唇

又療骨蒸唇乾口燥欲得飲水止渴竹葉飲方

竹葉

麥門冬

大棗

甘草

半夏

梗米

生薑

右七味切以水五升煮取二升半分溫三服忌羊肉錫

海藻菘菜

又方

麥門冬一升 小麥二升

枸杞根切三升

右三味以水一斗煮取三升煮小麥熟去滓分溫日三服

又方

大烏梅二十枚 石膏六兩碎

右二味以水七升煮取四升去滓以蜜三合稍稍飲之佳

又方

磔

起

楷

迴

薄

患磔上於劫切下同等病必瘦脊骨自出以壯丈夫

屈手頭指及中指夾患人脊骨從大椎向下盡骨極

指彼向上來去十二三迴然以中指於兩畔處極彈

之若是此病應彈處起作頭多可三十餘頭即以墨

點上記之取三指大青竹筒長寸半一頭留節無節

頭削令薄似劍煮此筒子數沸及熱出筒籠墨點處

按之良久以刀彈破所角處又煮筒子重角之當出

黃白赤水次有膿出亦有蟲出者數數如此角之令

惡物出盡乃即除當目明身輕也

又療骨蒸消渴消中熱中渴痢心熱心忪風虛熱傳屍等

九

苦參 一大斤 黃連 去毛

知母

栝樓

麥門冬 去心 牡蠣 各五大 兩熬

右六味搗篩以生牛乳和併手捻為丸如梧子大暴乾一服二十九稍稍加至三十九日再服飽食訖以漿水下如食熱麩酒加至五十九忌猪肉冷水救急同又療骨蒸蒼梧道士方

紫苑

桔梗

續斷

青竹茹

五味子

各三兩碎

桑根白皮

五兩

甘草

二兩炙

乾地黄

五兩熱多

者用

赤小豆 一升

蘇

右九味切以水九升煮取三升五合分溫三服服五六劑十年者亦差每隔五日一劑初發即服大驗勿輕之可頻服立驗蘓遊玄感論云主肺氣欬者相當餘同忌海藻菘菜猪肉蕪荳

又療骨蒸欬出膿病重者方

皂莢

一兩炙去皮綿裹

白錫 一兩

乾棗 七枚擘

生薑 二分切

右四味以酒一大升煮取半升去滓先食飯然後服二合如人行三四里不吐更服二合又如人行二三里不吐搥服盡方便令吐即膿出並出第一卷中

救急骨蒸之候男子因五勞七傷或因肺壅之後或為瘴

夫

規燕

唇

瘧之後宿患痲痺婦人因產後虛勞漏汗寒熱或為月閉不通無問男子婦人因天行已後餘熱不除或為頻頻勞復小兒閃癖其病並緣此十候所致因茲漸漸瘦損初著盜汗盜汗以後即寒熱往來寒熱往來以後即漸加欬欬後面色白兩頰見赤如臙脂色團團如錢許大左卧即右出唇口非常鮮赤若至鮮赤即極重十則七死三活若此以後加吐吐後痢百無一生不過一月死服此丸仍得不著後人此病人急多是冤鬼病治之方

青葙苗 六月六日採

知母

黃連 去毛

大黃

梔子人

桔樓

常山

萎蕤

各八分

苦參皮

十二分

甘草

炙

蜀漆

各五分洗

右十一味搗篩蜜和為丸如梧子大飲服五丸漸加至十五丸日再以知為度因至利忌猪肉熱麩葱蒜生菜海藻菘菜

又療骨蒸方

毛桃人

一百二十枚去皮及雙人留尖

右一味搗令可丸平日以井華水頓服使盡服訖量性飲酒使醉仍須喫水能多最精隔日又服一劑百日不得食肉

又療骨蒸極熱方

非其人莫浪傳

小臺必要

十三卷

九

經餘居

取乾人糞燒令外黑內水中澄清每旦服一小升薄  
晚後服小便一小升以差為限既常服不可朝朝取  
作大坑燒二升夜以水三升漬之稍稍減服小便勿  
用自身者小兒者佳

又方

用雄黃一大兩和小便一大升研令為粉乃取黃理  
石一枚方圓可一尺左側以炭火燒之三食頃極熱  
灌雄黃汁於石上恐太熱不可近宜著一片薄氈置  
石上令患人脫衣坐上石冷停以衣被圍遶身勿令  
藥氣洩出莫辭衣物臭也凡經三五度如此必差

又療骨蒸傳屍方

皂莢長一尺者無相續取炙令微焦去黑皮碎之綿裏

黑錫大如鷄子

羊肉大如拳煮如常法

右三味取一升無灰清酒貯銅鐺內即著綿裏煎三五  
沸即漉去綿裏即內黑錫使融液盡煎取三合令病者  
先啜肉汁即服一合如變吐困不須起次以銅盆貯水  
令病人坐上有蟲麤如馬尾赤色頭黑即效如無以服  
三合盡為度一服相去如人行十里必是得驗其禁食  
一如藥法並出第二卷中

必效骨蒸病小便方

復救 煇灸

取三歲童子小便五升煎取一大升以三匙蜜和爲兩服中間如人行二十里服此以後每自小便即取服之仍去前後取中央者病輕者二十日病重者五十日二十日以後當有蟲蚰蜒兒其蟲在身當處出俱令去人五步十步聞病人小便臭者無不差台州丹仙觀張道士自服非常神驗出第二卷中

灸骨蒸法圖四首

崔氏別錄灸骨蒸方圖并序中書侍郎崔知拂撰

鴉

縱 忝 當 骨

以血氣爲本無問少長多染此疾嬰孺之流傳注更苦其爲狀也髮乾而聳或聚或分或腹中有塊或腦後近下兩邊有小結多者乃至五六或夜卧盜汗夢與鬼交通雖目視分明而四肢無力或上氣食少漸就沈羸縱延時日終於溘盡余昔忝洛州司馬常三十日灸活一十三人前後差者數過二百至如狸頭獺肝徒聞曩說金牙銅鼻罕見其能未若此方扶危拯急非止單攻骨蒸又別療氣療風或瘴或勞或邪或癖患狀既廣救愈亦多不可具錄略陳梗槩又恐傳授謬訛以誤將來今故具圖形狀庶令覽者易悉使所在流布頗用家藏未暇外請名醫傍求上藥還

魂反魄何難之有遇斯疾者可不務乎

灸骨蒸及邪但夢與鬼神交通無不差之法

使患人平身正立取一細繩令於脚下緊踏男左女右其繩前

頭使與大拇指端齊後頭令當脚根後即引向上至曲臑

中大橫文便截繩使斷又使患人解髮分兩邊使見分頭

路仍平身正坐乃取向所截繩一頭與鼻端齊引向上路

頭通過逐脊骨引繩向下盡繩頭即點著又別取小繩一

頭與唇端齊合口處一頭向上至鼻底便截斷將此短小

繩於前所點處中摺橫分兩邊兩頭各點記使與中央初

點處正橫相當此小繩兩頭是灸處當脊初點者非灸處

替

絡

唇

只借為度其點拭却

又法

使患人平身正坐稍縮膊取一繩繞其項向前雙垂共鳩

尾齊即截斷鳩尾是心歧骨人有無心歧骨者可從脊前

兩歧骨下量取一寸即當鳩尾仍一倍翻繩向後取中屈

處恰當喉骨其繩兩頭還雙垂當脊骨向下盡繩頭點著

又別取一小繩令患人合口橫度兩吻便割斷還於脊上

所點處橫分點如前其小繩兩頭是灸處長繩頭非灸處

拭却以前揔通灸四處日別各灸七壯以上二七以下其

四處並須滿二十壯未覺効可至百壯乃停候瘡欲差又

又法以下至  
俱點揔八  
一頁脫

取度兩吻小繩子、當前雙垂、繩頭所點處、逐脊骨上下、中分點兩頭、如橫點法、謂之四花、此後點兩頭、亦各灸百壯、此灸法欲得取离日量度、度訖即下火、唯須三月三日艾為佳、療差百日以來、不用雜食、灸後一月許日、患者若未好、差便須報灸、一如前法、當即永差、出第七卷中

張文仲說、荊州人王元禮、嘗家患骨蒸、傳尸死盡、有一道士、忽教灸、即斷、兼更教人、無有不差者、欲識此病、其病先乍寒乍熱、有時唇赤、或頰赤、并有時痢血多唾、有時欲得食、有時不欲食、兩脊脉常急、患兒多欬盜汗、以指按捻脊脊四邊肉、有時心胷氣滿急、黃瘦、脊中肉盡、遂即著床、如

著床、胷前自動、脊脊兩邊肉盡、灸療即難、如灸候胷前肉動、非事灸法、如看病兒是病、更不須選离日、即預將艾去、即將病兒於王道頭日午時灸、灸七壯、若先知其病、又緩即取离日午時大吉、欲灸覆病兒面向下著地、取掖肋頭、以病兒大拇指自捻著、展中指直向脊骨、指頭脊脊中肉、少肋上點記、從點記處向上至耳下尖頭、即中央屈繩、從元初點處向上、還當脊脊點繩所到記之、又更再屈繩、從元點記處向上、還進前點記、又以杖量取患兒中指頭兩節、折斷、還從元點記向下、當脊脊點記一邊點四處、兩邊俱點、揔八處、各須去脊骨遠近一種、並須上下相當、下從掖

通按  
種字可



助上至耳根取直其八處一時下火艾炷如棗核堅實作  
之灸了卽以灰三匝圍坐處便歸家不須迴顧禁肉麪生  
冷特忌色及雜食平復後任依常未平復有犯重發卽不  
可復療

神素師灸骨蒸欬法

當頭耳孔橫量相離三寸許相當灸有穴日灸三壯至第  
八日灸二七了第三椎上第二椎下男取左手女取右手  
頭指依兩指頭東西灸日上七壯至第八日各灸五十壯  
復五日日灸各十五壯脛取繫鞋橫大文量至膝胛口亞切  
下中分當脛骨外日灸一七壯滿第八日日灸滿三十五

辭灸

日了當臂上皆男左女右取頭指從腕文當指當頭灸日  
七壯至第八日滿百壯婦人肚脹月節不通取右手頭指  
當臍量至下腹當指頭灸日七滿三百壯鬲上午後灸鬲  
下午前灸並出第一卷中

瘥氣骨蒸三方

廣濟療瘥氣心忪骨蒸熱閤風鼈甲丸方

鼈甲灸

芍藥

蝮蛇脯灸

大黃各八分

人參

訶梨勒皮熬

枳實灸

防風各六分

右八味擣篩爲末蜜和丸如梧子以酒飲下二十九漸  
漸加至三十九日再服不利忌菹菜生菜熱麪蕎麥蒜

出學五字紙  
裂

弔

生

同出下至  
於事不妨  
一頁脫

粘食出第二卷中

備急療疰癖鬼氣疰忤骨蒸祕驗方

大黃

別漬湯欲成  
下一方四兩

鼈甲炙

釣藤

升麻

甘草

炙各二兩  
丁香二七枚湯  
欲成下

古六味切以水七升煮取二升八合去滓分作三服又

用牛黃犀角

朱砂麝香  
各一分

細研分爲三分每服以

一分內湯中服經用多効特忌猪肉粘食生冷莧菜海

藻菘菜

蘇遊同出第三卷中

○一方有黃  
芩二兩

必効療疰癖氣壯熱兼欬久爲骨蒸驗方

柴胡

四兩

茯苓

白朮

枳實

炙各三兩

右四味切以水七升煮取二升半分爲三服積熱不歇

卽加芒消六分取利熱除之後每三日服一劑差後每

月一劑肥白終身永除忌桃李雀肉大醋出第二卷中

虛損慘頓作骨蒸方四首

張文仲療虛損慘頓不食四體勞強時翁翁熱無氣力作

骨蒸候方

童子小便

一大升淡  
者去前後

豉

一合

葱白

一合

杏仁

四十枚去  
尖皮碎

右四味合煎取三分中分之二服使盡日別一劑服之

至十劑愈若服經三四劑覺四體益熱卽服後方

又方

小便一大升淡葱白一合豉一抄生薑一大  
者去前後切一合生地黄一握碎

右五味合煎六七沸絞取汁半升許分為兩服或三服  
每服空腹服至二七日必差差後停三四日將息更服  
二七日神驗每服五六劑覺內少冷即服前方二方以  
意斟酌間服常夜令浸頃久便即煎服至五更半令服  
了至欲明更服後丸服訖至日出時不妨食至晚間未  
食更一服忌蕪荑

又方

人頭骨三大麝香一十

右二味搗篩和密搗二千杵丸如梧子一服七九日再  
服以粥飲送藥若胃前有青脈出者以針刺看血色未  
變黑者服藥七日必差每日午時能更服後丸一服亦  
好藥既無毒於事不妨

蘇遊療骨蒸肺痿煩躁不能食蘆根飲子方

蘆根切麥門冬去心地骨白皮各十生薑十兩  
秤橘皮各五兩皮切

右六味切以水二斗煮取八升絞去滓分溫五服服別  
相去八九里晝三服夜二服覆取汗忌酢物未好差更  
作若兼服其人或胃中寒或直惡寒及虛脹并痛者加

吳茱萸八兩

瘦病方五首

病源夫血氣者所以榮養其身也虛勞之人精髓萎竭血氣虛弱不能充盛肌膚故羸瘦也其湯熨針石別有正方補養宣導今附於後養生方云朝朝服玉泉使人丁壯有顏色去蟲而牢齒也玉泉口中唾也朝未起早漱口吞之輒琢齒二七過如此者三乃止名曰練精又云咽之三過乃止補養虛勞令人強壯出第三卷中

廣濟療瘦病每日西即亦色脚手酸疼口乾壯熱獺肝丸方

獺肝六分

天靈蓋燒四分

生犀角四分

前胡四分

升麻四分

松脂五分

枳實四分

甘草五分

右八味搗篩蜜和丸如梧子空腹以小便浸豉汁下二十九日再不利忌海藻菘菜生葱熱麩炙肉魚蒜粘食陳臭等物

又療瘦病方

天靈蓋兩一大升

麝香半臍

桃人一大抄

朱砂一兩半

好豉一大升

右五味各別搗篩訖然後摠和令調每晨空腹以小便半升和散方寸匕一服差止不利忌生血物

又療腹脹瘦病不下食方

柴胡

茯苓

各十分二分

枳實

炙

白朮

人參

麥門冬

去心

生薑

合皮切各六分

右七味切以水六升煮取一升八合絞去滓分温三服服別相去七八里喫一服不利忌生冷油膩小豆粘食桃李醋物雀肉等

又知母丸主瘦病及久瘰癧等方

知母

常山

各三兩

甘草

炙

大黃

麻黃

去節

黃芩

杏仁

各二兩去尖皮熬

蜀漆

洗

牡蠣

各一兩熬

右九味搗篩蜜和丸如梧子空心服飲下七丸忌猪肉及葱酒麪服後心悶即吐是此病出候不唾更漸加兩丸日與諸人服神驗非一忌海藻菘菜生葱生菜等此方云是張文仲去英公處傳

救急療瘦疾方

甘草

三兩炙

右每旦以小便煮甘草三數沸頓服甚良忌海藻菘菜並第二卷中

傳屍方四首

蘇遊論曰大都男女傳屍之候心膈滿悶背齶煩疼兩目

喜

唇痢

精明四肢無力雖知欲卧睡常不著脊脊急痛膝脛酸疼  
多卧少起狀如佯病每至旦起即精神尚好欲似無病從  
日午以後即四體微熱面好顏色喜見人過常懷忿怒纔  
不稱意即欲噴嚏行立脚弱夜卧盜汗夢與鬼交通或見  
先亡或多驚悸有時氣急有時欬嗽雖思飲食而不能  
多食死在須臾而精神尚好或兩肋虛脹或時微利鼻乾  
口燥常多粘唾有時唇赤有時欲睡漸就沈羸猶如水涸  
不覺其死矣

又論曰傳屍之疾本起於無端莫問老少男女皆有斯疾  
大都此病相剋而生先內傳毒氣周遍五藏漸就羸瘦以  
至於死死訖復易家親一人故曰傳屍亦名轉注以其初  
得半卧半起號為殭<sup>死</sup>氣急欬者名曰肺痿骨髓中熱稱  
為骨蒸內傳五藏名之伏連不解療者乃至滅門假如男  
子因虛損得之名為勞極吳楚云淋瀝巴蜀云極勞其源  
先從腎起初受之氣兩脛酸疼脊脊拘急行立脚弱食飲  
減少兩耳颼颼欲似風聲夜卧夢洩陰汗痿弱腎既受已  
次傳於心心初受氣夜卧心驚或多忪悸心懸乏氣吸吸  
欲盡夢見先亡有時盜汗食無滋味口内生瘡心常煩熱  
唯欲眠卧朝輕夕重兩頰口唇悉紅赤如傳烟脂又時手  
足五心皆熱心既受已次傳於肺肺初受氣時時欬嗽氣

菅

痢生字漫漶

力微弱有時喘氣卧即更甚鼻口乾燥不聞香臭假令得聞唯覺朽腐物氣有時惡心憤憤欲吐肌膚枯燥或時刺痛或似蟲行乾皮細起狀若麩片肺既受已次傳於肝肝初受氣兩目膜膜面無血色常欲顰眉視不及遠日常乾澀又時赤痛或復睛黃朝暮骨莫紅切蒙常欲合眼及至於卧睡還不著肝既受已次傳於脾脾初受氣兩肋虛脹食不消化又時渴利熟食生出有時肚痛腹脹雷鳴唇口焦乾或生瘡腫毛髮乾聳無有光潤或復上氣擡肩喘息利赤黑汁至此候者將死之證也

灸 鮑

曰

又論曰凡患癰瘰之人多成骨蒸不者即作水病仍須依瘰法灸之兼服下水藥差

又論曰此病若脊脊肉消及兩臂飽肉消盡胃前骨出入即難療也若痢赤黑汁兼上氣擡肩喘息皆為欲死之證也此是藏壞故爾

又論曰童女年未至十三以上月經未通與之交接其女日就消瘦面色痿黃不悟之者將為骨蒸因錯療之屢有死者有此輩者慎勿療之待月事通自當差矣

又論曰或有人偶得一方云療骨蒸不解尋究根本遂即輕用之主療既不相當病愈未知何日了不求諸鑒者唯

知獨任已功若此之人寓日皆是至如以主肺痿骨蒸方將療痲痺傳屍者斯乃更增其病豈有得痊之理何者主肺痿方中多是冷藥冷藥非痲痺之所宜若用以療痲痺此乃欲益反損非直病仍未差兼復更損其脾脾唯宜溫不合取冷如其傷冷脾氣即衰脾衰之證兩肋虛滿食既不消兼之下利如斯穿鑿欲益反損終莫能悟良可悲哉夫略舉一隅他皆倣此

又論曰凡患骨蒸之人坐卧居處不宜傷冷亦不得過熱冷甚則藥氣難通兼之脹滿食不消化或復氣上熱甚則血脉擁塞頭眩目疼唇乾口燥心胃煩悶渴欲飲水此等並是將息過度之狀深可誠也以所養之法須寒溫得所先熱而脫先寒而著若背傷冷即令欬嗽若手足傷熱即令心煩若覆衣傷厚即眠卧盜汗若覆衣過薄即心腹脹滿所是食飲不限時節寧可少食保無宿症數數進之助藥勢也必須傷軟易消故也不宜傷硬恐損胃氣致不消也此皆以意消息之為佳

又論曰主療之法先須究其根本考其患狀診其三部決其輕重量其可不與其湯藥指期取差若能如此方可措手先療其根次其末針灸湯散必須相應無容病根深遠少服即望痊除未及得瘳便復罷藥乃言藥病乖越似不相當如此懷疑余所不取亦有因瘳後作亦有因瘳後為



此病根其源非一、略舉綱紀、比類而取療之、方法如後所言、

又論曰、骨蒸之病、無問男女、特忌房室、舉動勞作、尤所不宜、陳臭酸鹹、粘食不消、牛馬驢羊大小二豆、猪魚油膩酒麩瓜果、野猪之屬、葵笋蒜蕨及生冷等、並不得食、自非平復一月以後、乃漸開也、大略如此、觸類而長之、此病宜食煮飯鹽豉豆醬燒薑葱韭枸杞苜蓿苦菜地黃牛膝葉、並須煮爛食之、候病稍退、恐肌膚虛弱者、可時食乾鹿脯為味、中間所有得食之者、按其條下具言之、

鳥憑漫不明

廣濟療婦人腹內冷癖、血塊虛脹、月經不調、瘦弱不能食、無顏色、狀如傳尸病方、張文仲方

麴末 二升

大麥蘖末 二升

生地黄 肥大者切三升

白朮 八兩

牛膝 切三升

桑耳 剉三升、金色者

薑黃 八兩

當歸 十四分

生薑 合皮切二升

桃人

杏人

各二升、去皮尖及雙人者熬

近用加橘皮 八兩

右十二味、並細切、於臼中以木杵擣之、如泥、內瓶中、以物蓋、口封之、勿令洩氣、蒸於一大石米中、飯熟出之、停屋下三日、開出暴乾、擣為散、酒飲服方寸匕、日二服、漸加至一七半、不利、初服十日內、忌生冷難消之物、以助藥勢、過十日外、即百無所忌、任意恣口食之、唯忌桃李

若須桃李宜去木若不能散蜜丸服之亦得一服三十  
丸日二服去病令人能食肥健好顏色忌桃李雀肉燕  
蕘出第四卷中

文仲論傳屍病亦名痲瘧通症骨蒸伏連殭<sup>殭</sup>此病多因

臨屍哭泣屍氣入腹連綿或五年三年有能食不作肌膚

或二日五日若微勞即發大都頭額頸骨間尋常微熱翕

翕然死復家中更染一人如此乃至滅門療之方

獺肝一具破 鼈甲一枚 野狸頭一枚 紫菀四分

漢防已乾炙 蜀漆洗 麥門冬去心 甘草炙各一兩

右八味搗篩以成鍊烱羊腎脂二分合蜜一分烱冷和

殺

三

丸藥如梧子大服十九加至十五丸日再以飲下之其

藥合和訖分一分頭邊著一分懸門額上一分繫臂上

先服頭邊次服臂上次服門上者大驗忌海藻菘菜菹

菜

又灸法

立脚於繫鞋處橫文以手四指於文上量脛骨外逼

脛當四指中節按之有小穴取一縷麻刮令薄以此

麻緩繫上灸令麻縷斷男左女右患多減

又方

音於羊肺一具破於布上乾之 葭管子一升筒盛 醋一升 同漬經三

損

日出各於布上暴之令至乾微火熬蓂蓉子各搗篩和以蜜丸如梧子服三九加至四九

地骨皮

白薇

芍藥

甘草

犀角

升麻

茯神

麥門冬

黃芩

桔梗

枳實

大黃

前胡

茯苓

天門冬

生薑

桑根白皮

羚羊角

當歸

柴胡

朱砂

芎藭

鼈甲

蜀漆

知母

石膏

常山

烏梅

香豉

黃耆

地黃

橘皮

以上並可詳度病狀用之並出第一卷中

伏連方五首

候赤 膽

廣濟療瘦病伏連傳屍鬼氣疰忤惡氣方

班貓去頭足熬

射干根各四分

石膽七分

桂心

牛黃各二分

犀角三分生者

人參二分

石蜥蜴一枚

紫石七分

蜈蚣四寸

麝香少許

右十一味搗篩為散研相和每日空腹服一寸匕日三

服用并華水二合温即頓服勿臨嗅與白米粥喫好覺

小便澁好知合藥勿使婦人小兒雞狗見忌熱麩果子

五辛酒肉生血生葱

又療瘦病伏連辟諸鬼氣惡症朱砂丸方

光明朱砂兩一大桃人十枚去皮尖麝香三分

右三味研朱砂麝香令細末別擣桃人如脂合和爲丸如梧子其和不合以蜜少許合成訖清飲服一七九日二服不利忌生血物並出第十四卷中

崔氏斷伏連解法

先覓一不開口葫蘆埋入地取上齋日開之煮取三匙脂粥內其中又剪紙錢財將向新塚上使病兒面向還道背塚坐以紙錢及新絲罔塚及病人使匝別將少許紙錢圍外與五道將軍使人一手捉葫蘆一手於坐傍

斂

胡

胡

通按  
新標  
作新絳

以一刀穿地卽以葫蘆坐所穿地及坐葫蘆了使一不病人捉兩箇鏢拍病人背呪曰伏連伏連解伏連伏連不解刀鏢解又呪曰生人持地上死鬼持地下生人死鬼卽各異路呪訖令不病人卽擲兩鏢於病人後必取二鏢相背不背更取擲取相背止乃並還勿反顧又取齋日令病人騎城外車轍面向城門以水三升灰三重圍病人又作七箇不翻餅與五道將軍呪曰天門開地戶閉生人死鬼各異路今五齋之日放捨卽歸呪訖乃還莫迴頭此法大良出第七卷中

名骨蒸傳屍比用此方甚驗

人尿五大升人小便一升新炊粟飲五大升

六月六日麴半餅熬碎

右四味取一瓷瓶盛密封置一室中二七日並消一無

惡氣每旦服一大合盡二服無不差者合藥時潔淨燒

香勿令婦人小兒女子雞犬孝子見之出第一卷中

延年桃奴湯主伏連鬼氣發即四肢無力日漸黃瘦乍好

乍惡不能方

桃奴各三兩淡苓各三兩鬼箭羽各三兩芍藥

人參各二兩橘皮各二兩生薑四兩檳榔七枚

麝香一分別研

右九味切以水九升煮取二升七合去滓內麝香溫分

為三服如行八九里久忌大醋生冷五辛出第十七卷中

飛尸方三首

病源飛尸者發無由漸忽然而至若飛走之急疾故謂之

飛尸其狀心腹刺痛氣息喘急脹滿上衝心胃出第二十三卷中

集驗療飛尸瓜蒂散方

瓜蒂各一分赤小豆各一分雄黃二分

右三味擣下細篩一服五分七稍增至半錢七以酪服

藥廣濟療卒中惡心腹絞刺氣急脹奄奄欲絕廣濟同出第七卷中

備急張仲景療飛尸走馬湯方

巴豆二枚去心皮 杏仁二枚去尖皮

右二物綿纏搥令極碎投熱湯二合指捻取白汁便飲之食頃當下老小量服之通療鬼擊病忌野豬肉蘆筍

此已見卒疝中正療飛尸故不刪也

文仲同出第一卷中

古今錄驗附著散療飛尸在人皮中又名惡脉又名賊風發時急頭痛不在一處鍼灸則移發時一日半日乃微差須臾復發皆療之方

細辛 天雄炮

莽草各一分 桂心三分

附子四分炮

雄黃二分研

烏頭四分炮

乾薑四分

真珠二分研

右九味搗下篩服五分匕不知稍增當以好酒服之忌猪肉冷水生葱生菜出第六卷中

遁尸方三首

病源遁尸者言其停遁在人肌肉血脉之間若卒有犯觸則發動亦令人心腹脹滿刺痛氣息喘急傍攻兩脅上衝心胃差後復發停遁不消故謂之遁尸也出第二十三卷中

廣濟療初得遁尸及五尸經年不差心腹短氣方

龍骨三寸炙 羚羊鼻二枚炙 乾薑一兩 麝香二分研

蜥蜴一枚炙 斑貓十四枚去翅足熬 雞屎白三兩熬

藥

通按  
桃臬即  
桃如

巴豆

五枚去心  
皮熬令黑

芫青

二十枚去  
翅足熬

藜蘆

一兩去蘆  
頭熬令黃

右十味搗篩蜜和丸空腹以飲服如小豆三九日二服

稍加至六七丸以知為度至吐利忌生冷油膩猪肉蒜

粘食陳臭蘆笋一方無斑貓雞屎  
白巴豆芫青荊蘆

又初得遁尸鬼疰心腹中刺痛不可忍方

青木香

六分

丁香

六分

鬼箭羽

桔梗

紫蘇

橘皮

當歸

各八分

生薑

十二分

檳榔

十四分  
合子碎

桃臬

十四枚  
去核

右十味切以水九升煮取三升絞去滓分為三服日晚

再以快利為度忌如藥法

一方無橘  
皮桃臬 並出第四卷中

集驗療遁尸心腹刺痛不可忍方

桂心

一尺準  
一兩

乾薑

三分

巴豆

二枚去  
皮心熬

右三味合搗下篩以好苦酒和之如泥以塗痛處燥即

易之忌野猪肉蘆笋千金同用乾薑一兩出第一卷中

五尸方一十一首

肘後療卒中五尸五尸者飛尸遁尸風尸沈尸尸疰也其

狀皆腹痛脹急不得氣息上衝心胃傍攻兩脅或礫塊踊

起或攣引腰脊今取一方而兼療之

搗蒺藜子蜜丸如胡豆服二九日三

又方

外臺必要

十三卷

辰

經餘居

擣商陸根熬以囊盛之更番熨之冷復易

又方

粳米二升水六升煎二沸服之

又方

掘土作小坎以水滿坎中熟攪取汁飲之並出第一卷中

刪繁療五尸蠱疰中惡客忤心腹刺痛丹砂丸方

丹砂研

乾薑

芎藭

羌花熬

烏頭炮各四分

芍藥

桂心各八分

野葛皮三分

吳茱萸合一

右九味擣篩蜜和為丸如大豆服三九日三清飲進之

忌生血物猪肉生葱一方無巴豆梔子出第十卷中

備急療卒中五尸遁尸風尸飛尸尸疰沈尸其狀皆腹痛

脹急衝心攻脅或礫塊踊起或牽腰脊方

破雞子一枚取白生吞之困者搖頭令下文仲肘後同

又方葛氏法

雄黃

大蒜各一兩

右二味擣和取如彈丸內二合熱酒中服之須臾未差

更服有尸疹者常畜此藥用之驗文仲肘後同

又方

乾薑

附子各一兩

桂心二分

巴豆三十枚去皮心生用



右四味搗篩蜜和又內白中搗萬杵服如小豆二丸此藥無所不療忌野猪肉蘆笋生葱時後同並出第一卷

文仲療卒中五尸方

取屋四角茅內銅器中以三尺布覆腹著器布上燒茅令熱隨痛追逐蹠下痒便差若瓦屋削四角柱燒用之神驗時後同出第一卷中

古今錄驗八毒赤丸療五尸癥積及惡心痛蠱疰鬼氣無所不療即是李子豫赤丸方出胡錄

雄黃研

真珠研

礞石泥裏燒

牡丹皮

巴豆去皮心熬

附子炮

藜蘆炙各一兩

蜈蚣一枚炙去足

右八味搗篩蜜和丸服如小豆二九日一極得吐下欲長將服者可減一丸忌猪肉狸肉蘆笋生血等物又五尸丸療諸尸疰方

芍藥

桂心各八分

吳茱萸合

丹砂

芎藭

烏頭炮

乾薑各四分

蜀椒一兩去目汗

梔子五分

巴豆四十枚去心皮熬

右十味搗下篩蜜和丸如大豆每服三九日三忌猪肉生葱蘆笋生血等物並出第七卷中胡洽有羌花四分野葛皮二分為十二味

尸疰方四首

病源尸疰者即是五尸內之尸疰而挾外鬼邪之氣流注

默默

身體令人寒熱淋瀝沉沉默默不的知所苦而無處不惡或腹痛脹滿喘急不得氣息上衝心胃傍攻兩脅或螺塊踊起或攣引腰脊或舉身沉重精神雜錯常覺昏謬每節氣改變輒致大患積月累年漸就頓滯以至於死死後復易傍人乃至滅門以其尸病症易傍人故曰尸疰出第二十二卷中

刪繁療尸疰損鼻或聞哭聲或見尸常發死人席湯方

取死人眠席斬棺內餘棄路者一虎口長三寸止一物以水三升煮取一升為一服立効出第十卷中

焦

又姚氏方

燒髮灰

杏人

熬令紫色等分

右二味搗如脂以猪膏和酒服如梧子三九日三神良

千金同

又鶴骨丸療尸疰惡氣兼療百病方

鶴骨三寸

桂心三寸

蜚蠊十四枚去翅足熬

巴豆三十枚去心皮熬

斑猫十四枚去翅足熬

右五味搗篩蜜和為丸如小豆一服二九日三服清飲進之忌野猪肉蘆笋生葱並出第一卷中

五疰方四首

外臺秘要

十三卷

三

經餘

病源注者住也言其連滯停住死又注易傍人也注病之狀或乍寒乍熱或皮膚淫躍或心腹脹刺痛或支節沈重變狀多端而方云三十六種九十九種及此等五注病皆不顯出其名大體與諸注皆同出第二十四卷中

刪繁華佗錄帙五疰丸療中惡五疰五尸入腹胃脅急痛鬼擊客忤停尸垂死者入喉即愈若已噤將物強發開若不可發扣齒折以灌下藥湯酒隨進之即効方

丹砂 研

雄黃 研

附子 炮各一兩

甘遂 半兩熬

豉 六十粒熬

巴豆 六十枚去心皮熬令變色

右六味擣下篩巴豆別研令如脂乃更合擣取調白蜜

和之藏以密器若有急疾服胡豆二丸不覺更益以飲投之此藥多有所療殺鬼解毒破積去水良驗忌生血

物猪肉蘆筍古今錄驗同出第九卷中

小品五疰湯主卒中賊風遁尸鬼邪心腹刺痛大脹急方

大黃 三兩別漬

甘草 二兩炙

烏頭 十枚炮削皮

生薑 半斤

桂心 四兩

芍藥

當歸 各二兩

蜜 一斤

右八味切以水九升煮取三升烏頭別內蜜中煎令得一升投著湯中去滓分服三合如人行三十里又一服日三不知可至四合王尹威數用之忌海藻菘菜猪肉

生葱千金同出第四卷中

古今錄驗五疰丸一名神仙丸一名千金丸一名轉疰丸  
一名司命丸一名殺鬼丸療萬病邪鬼疰忤心痛上氣厥  
夢、蠱毒傷寒時疾疫癘方

丹砂 研

礞石 泥裹燒 雄黃 研

巴豆 去心皮熬

藜蘆 熬

附子 炮各二分 蜈蚣 一枚炙去足

右七味搗篩蜜和丸如小豆服一丸日一即差不解夜  
半更服一丸定止帶一丸辟惡忌猪肉冷水生血物狸  
肉 出第七卷中

又五野丸療五疰尸疰哭疰冷疰寒疰熱疰在身體寒熱  
短氣兩脅下痛引背腰脊吸吸少氣不能行飲食少面目  
痿黃小便難項強不得俛仰腹堅癰臍左右下雷鳴脹手  
足煩疼目不明喜忘久風濕痺腰脊不隨喜夢寤百病皆  
療之方

牛黃 研

麝香 研

蜀椒 去目汗

雄黃 研

大黃

當歸

蜀烏頭 炮

蜀天雄 炮

消石 熬一方用苾消各一分

人參

桂心

朱砂 研 細辛

乾薑 各二分

石蜥蜴 一枚炙

巴豆 五十枚去心皮熬

鬼臼 二分

右十七味搗篩蜜和丸如梧子服三丸日再不知稍增  
以知為度忌猪肉蘆笋生葱生菜生血物 出第六卷中

新

江南九十九疰方二首

集驗療江南疰病凡有九十九種寒熱尸疰此病隨月盛衰人有三百六十脉走入皮中或左或右或裏或表如刀錐所刺乍寒乍熱喉咽如鯁食如噎胃中痛繞臍苦痛食不知味腰中難以俛仰兩膝屈伸面或黃或青或白或黑至死更相注易方

取桑根白皮切三升暴燥作湯淋取汁浸小豆二升如此取汁盡蒸豆熟作羊鹿肉羹噉此豆出第一卷中崔氏金牙散主邪魅心腹刺痛病狀與前方同

金牙別研

雄黃研

丹砂研

礬石泥裏燒半日

寒水石

芫青熬

巴豆去心皮熬

朴消

桔梗

茯苓

人參

貫衆

附子炮

蜀椒去汗日

露蜂房炙

龍骨

乾薑

牡桂

烏頭炮

石膏研

莽草炙

菴蓉

大戟

芫花熬

防風

狸骨炙

商陸根

大黃

細辛

蛇蛻炙

玉支一作玉泉

貝母一作牙子即狼牙也

右三十二味等分下篩酒服五分七日三忌猪肉冷水

生菜生血肉大醋蘆筍集驗同出第七卷中

江南三十六疰方三首

通按本草無玉支一作玉泉或是

崔氏金牙散療江南三十六症人病經年羸瘦垂死服之皆差并帶之能殺鬼氣逐尸症諸惡癘不祥悉主之方

出胡洽

金牙研 曾青研 消石研 礬石泥裏燒半日

石膏研 莽草 玉支一作泉 雄黃研

朱砂研 寒水石 龍骨 蛇蛻皮炙

芫青熬 當歸 龍膽 大黃

細辛 防風 大戟 芫花熬

野葛炙 菝葜 天雄炮 茯苓

附子炮 烏啄炮 乾薑 人參

治

桔梗 桂心 椒去目汗 貫衆

巴豆去心皮熬 狸骨炙 蜂房炙 鶴骨炙各一兩

絳

右三十六味搗篩為散以酒服一錢匕漸增五分匕日三并以三角絳囊貯散方寸匕以繫頭及心上大良一方加蜈蚣蜥蜴雌黃鑑鼻麝香毒公合四十二味忌猪肉生血物生菜冷水大醋蘆筍出第七卷中

備急療尸症鬼疰者葛氏云卽是五尸之中尸疰又挾諸鬼邪為害也其病變動乃有三十六種至九十九種大略令人寒熱沉沉嘿嘿不的知其所苦而無處不惡累年積月漸沈頓滯以至於死後復注易傍人乃至滅門覺如此

候者宜急療之方

獺肝 一具

右一味陰乾搗末水服一方寸七日三如一具不差更作姚氏云神良肘後崔氏千金同

又方

桑根白皮灰二升蒸令氣出下以釜湯三四升三遍重淋取二升漬赤小豆二升一宿出風乾復漬汁盡止乃濕蒸令熟以羊肉或鹿肉作羹進此豆飯食一升漸至二三升重者七八升乃愈病去時體中覺疼痒淫淫或若根本不除重為之肘後同並出第一卷

若

疰病相染易方三首

深師療鬼物前亡轉相染夢寤紛紜羸瘦往來寒熱嘿嘿煩悶欲寢復不能手足熱不能食或欲向壁悲涕或喜笑無常牛黃散方

牛黃 研

鬼箭羽

王不留行

徐長卿 一名鬼督郵

遠志 去心

乾薑

附子 炮

五味子

石葶 刮去黃皮

黃芩

茯苓 各二分

桂心 一分

代赭 三分

菖蒲 四分

麥門冬 六分去心

右十五味搗下篩以蜜生地黃汁相拌合復令相得以酒服方寸七日三忌猪肉冷水生葱羊肉餛醋物出第

昌

崔氏療江南三十六疰丸療轉疰滅門絕族族盡轉逐中外滅盡復易親友方

雄黃研二分

麥門冬

去心三分一方用天門冬

皂莢

去皮子炙

莽草炙各二分

鬼臼三分

巴豆

去心皮熬二分

右六味搗篩蜜和為丸如小豆服二九日一服忌鯉魚

野猪肉蘆筍

又赤丸療人久疰室家相傳乃至滅族方

雄黃研二兩

馬日毒公

鬼白也

丹砂

研

莽草炙

藜蘆熬各二兩

巴豆

八十枚去心皮熬

皂莢

一兩去皮子炙

道按鬼白一方是鬼別馬目

真珠一兩研

右八味搗篩蜜和丸如小豆一服二丸吐下惡蟲數十

枚忌野猪肉蘆筍生血物並出第七卷中

鬼疰方二首

壽公即鬼白別名而鬼刷不知為何物但以崔氏蜀金牙散內有鬼白又有毒公故並存之

病源注之言住也言其連滯停住也人有先無他病忽被鬼排擊時或心腹刺痛或悶絕倒地如中惡之類其得差之後餘氣不歇停住積久有時發動連滯停住乃至於死死後注易傍人故謂之鬼疰也出第二十四卷中

古今錄驗神祕丸療鬼疰邪忤飛尸疰擊犬馬嚙蜂蛇毒螫盡皆消除方



大黃 四兩  
硝石 三兩熬  
巴豆 去心皮熬  
雄黃 二兩研各  
右四味搗篩蜜和丸如小豆先食服二九日一服忌野  
猪肉蘆筍出第七卷中

崔氏蜀金牙散療鬼疰風邪鬼語尸疰或在脊脅流無常  
處不喜見人意志不定面目脫色目赤鼻張唇焦爪甲黃  
方

金牙 一分研  
蜈蚣 炙  
蜥蜴 石上者炙  
附子 炮冬一枚  
人參 四分  
蜣螂 七枚  
徐長卿  
芫青 炙  
斑貓 去翅足熬  
雄黃 一分研  
桂心 四分  
鬼白 二分  
野葛 一分  
毒公 三分  
芎藭 二分

石長生  
椒 去汗  
大黃  
甘草 炙

蛇蛻 皮炙  
露蜂房 炙  
曾青 無藍青代別研  
真珠 別研

丹砂 各二分  
鬼督郵  
烏頭 炮  
狼毒 各二分

石膏 五分  
萵茹 一分  
蕪黃  
鬼箭

藜蘆 炙  
鶴骨 炙  
雷丸  
乾漆 熬

龜甲 各二分  
狼牙 四分  
亭長 七枚  
貝母 二枚

凝水石 五分  
牛黃 別研  
胡鷲屎 各四分  
桔梗 三分

鐵精 一分研  
消石 二分研

右四十五味搗篩為散先食酒服一刀圭日再不知稍  
增之有盡隨大小便出也忌猪肉冷水葱海藻菘菜

生血物狸肉深師千金同出第七卷中

鬼疰心腹痛方一首

古今錄驗還命千金丸療萬病心腹積聚堅結胃脅逆滿  
欬吐宿食不消中風鬼疰入腹面目青黑不知人方

雄黃研

鬼白

徐長卿

礬石

泥裹燒半日

瓜丁

雌黃研

乾薑各四分

野葛

七分炙

斑猫

二十枚去足翅熬

蜀椒

四分去目汗

地膽

十五枚去翅熬

射肉

二分

丹參

四分

解 同

右十三味擣篩蜜和擣三千杵丸如小豆先食服一九  
日三不知漸增以知為度若百毒所螫牛觸踐馬所躪

齒癰腫瘰癧以一丸於掌中唾和塗痛上立愈正月旦

以椒酒率家中大小各服一九終歲無病神良有驗秘

不傳出第六卷中

鬼疰羸瘦方二首

古今錄驗黃帝護命千金丸療羸瘦歷年胃滿結疹飲食  
變吐宿食不下中風鬼疰疾瘦方

野葛

七十炙

斑猫

二十枚去足翅熬

雄黃

研

雌黃

鬼白

瓜丁

丹砂

研

礬石

泥裹燒半日

沙參

莽草

炙

椒

去日汗各一兩

地膽

十五枚去足翅熬

右十二味搗下篩蜜和搗三千杵丸如梧子服五九日  
二卒中惡氣絕不知人服如小豆二九老小半之牛馬  
所觸踐癰腫若蟲毒所嚙取一九著掌中嚼和塗瘡中  
毒上立愈正月旦以酒率家中大小各一九。歲不病  
若傷寒身熱服一九若欲視病服一九病者共卧不恐  
忌生血物

又犀角丸療百病鬼狂惡風入人皮膚淫淫液液流無常  
處四肢不仁牽引腰背腹脹滿心痛逆氣填胃不得飲食  
翁翁短氣寒熱羸瘦喜惡夢與鬼神交通熱欬唾膿血皆  
療之方

犀角屑

桂心

各三分

羚羊角屑

牛黃

鬼白

余泚泚

附子

炮

獺肝

各二分

巴豆

三十枚去心皮熬

蜈蚣

四枚去足炙

麝香

研

真珠

十箇

雄黃

研

丹砂

研各四分

射肉

一分

貝齒

十箇燒

右十五味搗篩蜜和搗五千杵平旦服如胡豆二九日

三慎生葱猪肉冷水蘆筍生血等物並出第六卷中

鬼氣方三首

崔氏療鬼氣辟邪惡阿魏藥安息香方

阿魏藥即涅盤經云央置是也服法且取棗許大研  
之爲末又取牛乳一大升煎之五六沸停令熱定取

鴨子許大和攪服之更以餘乳盪盞飲之取盡至暮  
 又取安息香亦如棗許大分如梧子還以熟牛乳服  
 之令盡每日旦暮常然若無乳者即以煮肉汁服之  
 患久者不過十日近者不過五日如過三十日不愈  
 便停只得食脯肉之屬但是一切菜不得近口特忌  
 特忌禮部孫侍郎家中有此病所在訪問有人從梁  
 漢來云官人百姓服此得効者十餘家孫侍郎即令  
 依方進服七八日即効便以此法傳授親知得驗者  
 非一余時任度支郎中欲廣其効故錄之出第七卷中  
 延年療鬼氣骨蒸氣日漸羸方

獺肝十六分

人參

沙參

丹參各三分

鬼臼

苦參各二分

右六味擣篩蜜和丸如梧子大一服十九飲汗下日三  
 服加至十九禁生冷猪魚肉生血等物  
 又五香丸主天行瘟疫惡氣熱毒心肋氣滿脹急及疰鬼  
 氣等方

青木香

犀角屑

升麻

羚羊角屑

黃芩

梔子人各六分

沉香

丁香

薰陸香各四分

麝香

鬼臼各二分

大黃

芒消各八分

麩

右十三味搗篩蜜和丸如梧子一服三丸飲下日三服  
加至七丸以差止禁蒜麩猪魚並出第十一卷中

鬼魅精魅方八首

病源凡人有為鬼物所魅則好悲而心自動或心亂如醉  
狂言驚怖向壁悲啼夢寐喜魘或與鬼神交通病苦乍寒  
乍熱心腹滿短氣不能食此魅之所持也出第二卷中

廣濟療傳屍骨蒸殭殍肺痿症忤鬼氣卒心痛霍亂吐痢  
時氣鬼魅瘴癘赤白暴痢瘵血月閉瘰癧疔腫驚癇鬼忤  
中人吐乳狐魅吃力迦丸方

吃力迦即白木

光明砂研

麝香當門

檀 船

訶黎勒皮

香附子中白

沈香重者

青木香

丁子香

安悉香

白檀香

畢撥最上者

犀角各一兩

薰陸香

蘇合香

龍腦香各半兩

右十五味搗篩極細白蜜煎去沫和為丸每朝取井華

水服如梧子四丸於淨器中研破服老小每碎一九服

之仍取一九如彈丸蠟紙裹緋袋盛當心帶之一切邪

鬼不敢近千金不傳冷水煖水臨時斟量忌生血肉臘

月合之有神藏於密器中勿令洩氣出祕之忌生血物

桃李雀肉青魚酢等

又療精魅病方

水銀 一兩

右取水銀內漿水一升炭火上煎三分減二即去火取水銀如熟豆大取當日神符裹水銀空腹吞之晚又吞一服三日止無所忌並出第四卷中

肘後療卒中邪魅恍惚振噤之方

灸鼻下人中及兩手足大指爪甲本令艾丸半在爪上半在肉上各七壯不止至十四壯便愈集驗同出第三卷中

深師五邪丸療邪狂鬼魅妄言狂走恍惚不識人此為鬼魅當得殺鬼丸方

丹砂 研

雄黃 研

龍骨

馬言毒公

鬼箭 各五兩

鬼白 二兩

赤小豆 三兩

芫青 一枚

桃人 百枚去皮尖熬別研

右九味搗下篩別研雄黃丹砂細絹篩合諸藥拌令和稠後內蠟和之大如彈丸絳囊盛之繫臂男左女右小兒繫頭合藥勿令婦人雞犬見之所服蜜和丸如梧子一服三丸日三忌五辛生血物出第九卷中

小品療鬼魅四物莠頭散方

東海莠頭是山跋根

黃牙石又名金牙

葭若

防葵 各一分

右藥搗下篩以酒服方寸匕欲令病人見鬼增防葵一

辟

寤

分欲令知鬼主者復增一分立有驗防葵莫若並令人  
迷惑恍惚如狂不可多服備急千金同出第五卷中

集驗療男子得鬼魅欲死所見驚怖欲走時有休止皆邪  
氣所為不能自絕九物牛黃九方

荆實人精也

曾青蒼龍精也研

玉屑白虎精也研

牛黃土糖也研

雄黃地精也研

空青天精也研

赤石脂朱雀精也

玄參真武精也

龍骨水精也各一兩

凡九物名曰九精上通九天下通九地

右擣下篩蜜和丸如小豆先食吞一九日三稍加以知

為度忌羊血文仲千金并翼同出第三卷中

瓜瓜

必効辟鬼魅方

虎瓜

赤朱

雄黃

蟹瓜

右四味擣令碎以松脂融及煖和為丸不然硬正朝旦  
及有狐鬼處焚之甚効以熏巫人即神去王三師云奇

効忌生血物出第四卷中

承重

近効大麝香丸療積年心痛尸疰蠱毒癥癖氣乘心兩肋  
下有塊温瘴精魅邪氣或悲或哭蛇蠍蜂等所螫並療之

麝香

牛黃

藜蘆炙

朱砂

蜀當歸

茯苓

桔梗

鬼箭羽

金牙

烏頭炮

桂心

吳茱萸

貫衆

丹參各一分

蜈蚣去足

乾薑

人參

虎骨各二分

鬼白半分

芍藥

雄黃各一分半

巴豆二十枚去心皮熬

蜥蜴半枚

右二十三味搗篩蜜和丸如梧子以飲下三九至辰時  
下利若不利熱飲投之即利三兩行後冷醋飲止之即  
定然後煮葱食之勿食冷水明日依前服之永差忌熱  
麩生菜柿子梨等蛇蠍蜂螫取一丸研破和醋塗之便  
差精鬼狐狸之屬拋磚瓦或如兵馬行夜發者是鬼魅  
無早晚每日服前藥兩丸只三兩日服即差仍每日燒

一丸熏身體及衣裳宅中燒之亦好無患人以三五丸  
緋絹袋盛繫左臂上辟虎毒蛇諸精鬼魅等忌狸肉生  
血物猪肉生葱蘆笋

鬼神交通方四首

崔氏療夢與鬼神交通及狐狸精魅等方

野狐鼻炙

豹鼻炙各七枚

狐頭骨一具雄黃

膈肭臍

鬼箭羽

露蜂房炙

白朮

虎頭骨炙各一兩

阿魏藥二兩

驢馬狗駝牛等毛各四分燒作灰

若骨蒸加死人腦骨一兩炙

右十五味並大秤兩搗篩為散攪使調勻又先以水煮



松脂候炸接取以和散和散之時勿以手攪將虎爪攪和為丸如彈丸以熏患者欲熏之時蓋覆衣被勿令藥煙洩外別擣雄黃為末以藉藥燒藥節度一如熏香法其藥欲分於牀下燒熏彌善忌桃李雀肉等出第七卷中備急陶氏療女人與鬼物交通獨言笑或悲思恍惚方

松脂三兩

內雄黃末一兩

右二味用虎爪攪令調丸如彈丸夜內籠中燒之令女裸坐籠上被急自蒙唯出頭耳過三重即斷深師同

又方

雄黃

人參

防風各二兩

五味子一升

右四味為散早以井華水服方寸匕日三服

又若男女喜夢鬼通致恍惚者方

鹿角屑酒服三撮日三並出第二卷中

白虎方五首

近効論白虎病者大都是風寒暑濕之毒因虛所致將攝失理受此風邪經脉結滯血氣不行畜於骨節之間或在四肢肉色不變其疾晝靜而夜發發即徹髓酸疼乍歇其病如虎之嚙故名曰白虎之病也廣濟療白虎方

犀角屑

當歸

芍藥各六分

牛膝

沉香

青木香

虎頭骨

各八分

麝香一分 懈葉脉一握

右九味切以水六升煮取二升六合去滓分温三服如  
人行四五里進一服別加麝香未服之不利忌生菜熱  
麪蕎麥蒜出第四卷中

蘇孝澄療白虎病云婦人丈夫皆有此病婦人因產犯之  
丈夫眠卧犯之為犯白虎爾其病口噤手拳氣不出方

灸臍中七壯一云灸臍中七壯

近効療白虎方

炭灰五升無炭灰桑灰亦得紗羅羅之一遍 蚯蚓糞一升搗之

紅藍花七捻

新者佳

報 互

右三味一處攪和熬令熱取好醞醋煖之拌令浥浥以  
故布三四重裹分作四分更番當所患痛處熨之數數  
轉勿住手按之冷熱得所寧令小熱不得作冷冷即復  
熬令熱又熨之並用後呪法曰青儻皮青毛出黃儻皮  
黃毛出赤儻皮赤毛出白儻皮白毛出黑儻皮黑毛出  
急出吾口神吾口聖唾山山崩唾石石裂得汝字汝不  
去斫頭斫頭急急如律令其呪法先令人唾痛處以手  
按之不住手便即誦此呪不限遍數以差即停當誦呪  
不得令病人及傍人聞呪須先淨漱口潔淨良効無比  
千金勿傳

又療風毒腫一切惡腫白虎病並差方

取三年鹹醋五升熱煎三五沸切葱白三二升煮一

沸許即瓜籬漉出布帛熱裹當病上熨之以差為度

又療白虎方

猪肉 三串

大麻子 一合

酒 半盞

右三味和麻子口含喫上將猪肉三串手擊向痛處來去呪曰相州張如意張得興是汝白虎本師急出呪訖將肉安牀下差送路頭神驗

無辜方二首

崔氏無辜閃癖或頭乾癩癰頭髮黃聳分去或乍痢乍差

諸狀既多不可備說大黃煎丸方

大黃

九兩錦文新實者若微朽即不堪用削去蒼皮乃秤

右一味搗篩為散以上好米醋三升和之置銅椀內於大鍋中浮湯上炭火煮之火不用猛又以竹木篦攪藥候堪丸乃停於小瓷器中密貯兒年三歲一服七丸如梧子日再服常以下青赤膿為度若不下膿或下膿少者稍稍加丸下膿若多丸又須減病重者或至七八劑方盡根本大人小兒不等以意量之此藥唯下膿及宿結不令兒痢禁牛馬驢雞猪魚兔肉生冷粘滑油膩小豆蕎麥乳母亦同此忌

又療無辜腦後兩畔有小結者方

无辜之病此結為根欲療者先看結之大小然後取細竹斟酌籠得此結便截竹使斷狀如指環形仍將此竹籠結自然不得轉動以火針針結子中央作兩下去針訖乃塗少許膏藥無者雜油亦得須待三兩日又如前報針更經一兩日當膿水自出若不出復如前針候膿潰盡結便自散俗法多用刀子頭割者謂之割無辜比來參詳殊不如針之以絕根本恐患者不悉故復重說之並出第七卷中

除骨熱方四首

范汪療骨熱狸骨丸方

狸骨

連翹

各五分

土瓜

山茱萸

玄參

胡鷲屎

黃芩

丹砂

馬日毒公

鳶尾

各二分

黃連

芍藥

雄黃

青葙子

龍膽

栝樓

各三分

右十六味搗篩蜜和丸如梧子先食服三丸日三不知稍稍增之以知為度禁食生魚菜猪肉黃黍米生血物

古今錄驗同

古今錄驗除熱三黃丸療骨熱身多瘡癩癰腫者方

大黃

黃芩

黃連

當歸

茯苓

桂心

乾薑

芍藥

各二分

梔子

一十四枚

柴胡

三分

右十味搗篩蜜和丸先食服如小豆三丸不知增至十

丸欲取微利以意增之久服益良忌生葱醋物猪肉冷

水

又方

大黃

黃連

黃芩

各一兩

芒消

二兩

右四味搗篩蜜和為丸一服五丸漸加以知為度忌猪

肉冷水

並出第四卷中

盜汗方七首

病源盜汗者因眠睡而身體流汗也此由陽虛所致久不

已令人羸瘠枯瘦心氣不足亡津液故也診其脉男子平

人脉虛弱細微皆為盜汗脉也出第三卷中

崔氏療盜汗夜睡中即汗汗不休必得風方

麻黃根

細切

小麥

各二升

右二味以水一斗二升煮小麥得九升內麻黃根煮之

得三升去滓分為三服常夜服之不過兩劑即止

又方

甘皮

薑

各一兩

杏仁

三兩去尖皮熬

當歸

四兩

右四味搗合蜜和丸服如梧子五丸漸漸增之

又方

取死人席緣燒作灰淋汁熱洗從頭至足愈

又止汗粉方 朱規送

麻黃根

牡蠣粉

敗扇灰

栝樓

各三兩

白朮 二兩

米粉 三升

右六味搗諸藥下篩為散和粉攪令調以生絹袋盛用粉身體日三兩度忌桃李雀肉仍灸大椎五六百炷日灸二七五七任意不能日別灸亦得汗即漸止 並出第三卷中

延年主盜汗夜卧床席衣被並濕方

麻黃根

牡蠣

碎之綿裹各三兩

黃耆

人參

各二兩

枸杞根白皮

龍骨

打碎各四兩

大棗

七枚擘

右七味切以水六升煮取二升五分去滓分溫六服如人行八九里久中間任食一日令盡禁蒜熱麪等物又療夜卧盜汗方

左顧牡蠣

黃耆

各三兩

麻黃根

五兩

杜仲

二兩

右四味搗篩為散一服方寸七日三夜一服用敗蒲扇煮取汁下藥禁蒜麪 並出第一卷中

古今錄驗療盜汗麻黃散方

麻黃根

三分

故扇

燒屑一分

右二味搗下篩以乳服三分仍日三大人方寸七日三

校 辨

不知益之、又以乾薑三分、粉三分、搗合、以粉粉之大善、  
出第十卷中、

右廸功郎充兩浙東路提舉茶鹽司幹辦公事張 寔  
較勘

連訂在錄先生外臺秘要方第十三卷終

